

委試用同知李前晉署理又蘇州府靖湖廳通判劉嘉琦調署松江府川沙同知遺缺委試用通判王廷俊署理旋據王廷俊因病請假復委候補通判奇齡署理又婁縣知縣劉怡因病請假遺缺委教習知縣李葆鈞署理又署荆溪縣知縣謝成泌丁憂遺缺委試用知縣姚昌頤署理又署無錫縣知縣汪龍標因病繳札遺缺委另補知縣孫友萼署理計六員等情開摺詳請彙 奏前來 臣覆核無異理合會同兩江總督 臣張人駿附片具陳伏乞 聖鑒謹 奏宣統三年八月二十三日奉 硃批知道了欽此

直隸總督陳夔龍奏請將檢討唐寶鏐等送引等片

再道員用翰林院檢討唐寶鏐器識開通學融新舊前在北洋辦理洋務多年頗資贊畫直隸補用道汪士元才長心細老練精明委辦一應交涉事宜及保商要政極為得力均未便沒其勞績合無仰懇 天恩俯准將道員用翰林院檢討唐寶鏐俟服闋後送內閣引 見頒 旨錄用直隸補用道汪士元 交內閣存記出自 恩施謹附片具陳伏乞 聖鑒訓示謹 奏宣統三年八月二十五日奉 硃批著照所請該衙門知道欽此